

Forum juvenil cun Sarina Caduff

(fmr/mc) La studenta d'economia *Sarina Caduff* (20) da Cumbel (Lumnezia) ei vegnida tscharnida sco nova presidenta dil Forum da juventetgna dall'Associaziun svizra per las regiuns da muntogna (SAB). Ella succeda a *Moreno Donato* ch'ha presidiau il Form da juventetgna dapi sia fundaziun igl onn 2015 ed ha influenzau essenzialmein siu svilup.

Sarina Caduff ha argumentau sia motivaziun da surpender il presidi dil Forum da juventetgna dalla SAB culs suandontas plaid: «Nus, la generaziun giuvna, essan igl avegnir dallas regiuns muntagnardas. Perquei che mia patria nativa schai a mi fetg a cor vi jeu s'engaschar el rom dil presidi ensemen cun auters juvenils dils cantuns da muntogna per che nossa patria vivi era vinavon.»

Era quest onn ha la giuria giu d'examinar tschun candidaturas da vischnauncas ch'aspreschan per il label «Vischnauncas favoreivlas per la juventetgna». La dieta tematica culla surdada dallas distincziuns ha liug uonn ils 28 d'uost a Campra el Tessin.